



AKCIJA "ČEKIĆ" Nova afera u bh. pravosudnom sistemu

Uhapšena državna sutkinja Azra Miletić

Uhapšeni i Ramo Brkić, bivši policijski komesar MUP-a USK, i Senad Šabić

Pripadnici Državne agencije za istrage i zaštitu (SIPA) po nalogu tužioca Posebnog odjela za organizirani kriminal, privredni kriminal i korupciju uhapsili su jučer u akciji kodnog naziva "Čekić" tri osobe, među kojima je i sutkinja Suda BiH Azra Miletić.

Teške optužbe

Osim nje, uhapšeni su i Ramo Brkić, bivši policijski komesar MUP-a USK, te Senad Šabić. Miletić se, prema navodima Tužilaštva BiH, tereti da je uzela mito od Brkića i Šabića, protiv kojih se vodi krivični postupak u Sudu BiH, ali i za zloupotrebu službenog položaja, dok su Brkić i Šabić osumnjičeni za davanje dara ili drugih oblika koristi.

Naredbu za njihovo hapšenje, kako nezvanično saznajemo, izdao je tužilac

Džermin Pašić. Sutkinja Miletić, koja je zaposlena u Apelacionom odjelu Suda BiH, uhapšena je u prostorijama ove pravosudne institucije dok je radila svoj posao.

Pretrasi u ovom predmetu obavljani su na dvije lokacije u Sarajevu, a pretrեսeni su i objekti osumnjičenih u Bihacu, Velikoj Kladuši i Tuzli. SIPA je jučer pretrესla i stan sutkinje Miletić u zgradi "Generalka" na Vracama te njen ured u Sudu BiH.

Akciji "Čekić" prethodila je višemjesečna složena kriminalistička istraga u okviru koje su zadokumentirane nezakonite aktivnosti



Brkić: Bivši policijski komesar



Šabić: Povezan s Brkićem



Vidović: Svi smo u šoku

osumnjčenih osoba - saopćeno je jučer iz SIPA-e.

Vasvija Vidović, koju je sutkinja Azra Miletić najprije angažirala kao braniteljicu, a sinoć je, prema saznanjima našeg lista, skinuta sa slučaja, kazala je za "Avaz" da Tužilaštvo BiH odbra- ni nije predočilo optužbe koje se Miletić stavlja-ju na teret te da je ona šokirana njenim hapšenjem.

- Svi su šokirani, i mnoge druge kolege advokati. Svi su me zvali, niko ne može vjerovati da je Miletić uhapšena, jer svi znaju da se radi o časnoj osobi. Ona je najbolji sudija koji je ikada radio u pravosuđu. U posljednje vrijeme radila je u Apelacionom vijeću, donosila je



Miletić: Uhapsila je SIPA

Za razliku od Budimira i Osmanovića, nije ponuđen videosnimak

Za razliku od slučaja bivšeg predsjednika Federacije BiH Živka Budimira, kao i bivšeg federalnog poslanika Midhata Osmanovića iz Tuzle, koji je osumnjičen da je od žrtve uzeo mito u iznosu od 20.000 KM za osiguranje radnog mjesta, Tužilaštvo BiH za iznesene sumnje protiv sutkinje Suda BiH Azre Miletić u ovom trenutku javnosti nije ponudilo vi-

deosnimke eventualnog davanja ili preuzimanja mita, obilježene novčanice, ili, pak, tačno mjesto i vrijeme preuzimanja novca.

Indikativno da je jučer više portala bliskih vrhu jedne stranke združeno već unaprijed osudilo sutkinju Miletić i optužili je pod zajedničkim naslovom od prije nekoliko godina da je oslobađala srpske ratne zločince.

Upitno suđenje Oksu?

Suđenje Harisu Čauševiću zvanom Oks, optuženom za teroristički napad na Policijsku upravu Bugojno 27. juna 2010. godine, neće biti nastavljeno danas, s obzirom na to da je uhapšena sutkinja Azra Mile-

tić članica Vijeća Apelacionog odjela Suda BiH pred kojim se vodi taj predmet.

Advokat Ifet Feraget, jedan od advokata optuženog Čauševića, kazao je za "Avaz" da će odbrana, ako bude izabran novi član Vijeća, tražiti da se postupak vodi iznova.

mnoge odluke koje se nisu svijele tužiocima, tako da tu svašta ima rekla je Vidović.

Brkićeva grupa

Uhapšeni Brkić, bivši komesar MUP-a USK, prvobitno je u Sudu BiH bio osuđen na zatvorsku kaznu u trajanju od 11 godina za organizirani kriminal, organizira-

nje uzgoja te međunarodnu prodaju skanka, kao i za zloupotrebu službenog položaja, dok je Šabić, također član Brkićeve grupe, osuđen na deset godina zatvora za organizirani kriminal te promet narkoticima.

No, u novembru prošle godine Apelaciono vijeće Suda BiH djelimično je ukinulo presudu u predmetu „Ramo Brkić i drugi“, uvaživši žalbu Brkićevog advokata Asima Crnalića.

M. AŠČIĆ

Sramna podvala sudiji Adamoviću

Bivši sudija Suda BiH Vlado Adamović harangaški je 2006. godine bio optužen za navodno seksualno uznemiravanje u jednoj sarajevskoj cvjećari. Velika medijska kampanja protiv njega vođena je u jednoj emisiji FTV.

Mnoge njegove kolege su se u strahu držale postrani, a ispostavilo se da je Adamović bio žrtva montiranog procesa. Adamović je, naime, u decembru 2007. godine pravosnažnom presudom proglašen nevinim. U međuvremenu je dobio otkaz na Sudu BiH,



Adamović: Žrtva montiranog procesa

pa je morao otići u advokatsku praksu.

Adamović je kod Ustavnog suda BiH podnio zahtjev za poništenje odluke Visokog sudskog i tužilačkog vijeća BiH kojom je razriješen dužnosti sudije. Sud u Strasbourgu je presudio da je Adamović "povrijeđeno pravo na pravično suđenje". Njegova golgota i danas traje i nije vraćen u Sud BiH.

Prema relevantnim saznanjima, Adamovićeva najveća „greška“ je bila što se nije ljubazno pozdravio sa predsjednikom jedne vladajuće stranke.

